



REPUBLIKA E SHQIPËRISË
BASHKIA VLORË
DREJTORIA E PËRGJITHSHME EKONOMIKE, TURIZMIT DHE SHËRBIMEVE
MBËSHTETËSE
DREJTORIA E FINANCË BUXHETIT DHE KONTABILITETIT

Nr. 2349 prot.

Vlorë, më 12.02 2025

PROJEKTVENDIM

Nr _____, datë _____, _____ 2025

“PËR MIRATIMIN E TAVANEVE PËRGATITORE PËR TË ARDHURAT 2026-2028”

Bazuar në Ligjin 139/2015 “Për Vetëqeverisjen Vendore”, neni pika 2, neni 9 pika 1.1b të Kreut III, neni 34 pika 6, neni 41 pika 1, neni 64 pika c të Kreut X, i ndryshuar: Ligjin Nr. 68/2017 “Për Financat e Vetëqeverisjes Vendore” neni 33, 34, 35, 36, 37. Ligjin Nr. 9936 datë 26.06.2008 “Për Menaxhimin e Sistemit Buxhetor në Republikën e Shqipërisë”, me ndryshimet e bëra. “Për Procedurat Standarte të Përgatitjes së Programit Buxhetor Afatmesëm të Njësive të Vetëqeverisjes Vendore”, dhe Udhëzimi plotësues Nr.4 datë 28.02.2024 “Për Përgatitjen e Programit Afatmesëm Vendor”.

V E N D O S I :

1. Të miratojë tavanet përgatitore për të ardhurat 2026-2028:

	2023	2024	2025	2026	2027	2028
Plani i transfertës së pakushtëzuar	674,396	798,527	877,759	921,985	968,035	968,035
Plani i transfertës specifike	447,453	485,785	582,812	583,441	584,082	584,082
Plani i te ardhurave të Bashkisë Vlorë	1,438,585	1,893,272	2,308,523	2,423,949	2,545,147	2,672,403
Totali i të ardhurave	2,560,434	3,177,584	3,769,094	3,929,375	4,097,264	4,224,520

2. Për zbatimin e këtij vendimi ngarkohen Grupi i Menaxhimit Strategjik dhe Drejtoria e Financës, Buxhetit dhe Kontabilitetit.
3. Ky Vendim hyn në fuqi sipas Ligjit 139/2015 “Për Vetëqeverisjen Vendore”, neni 55, pika 6.

KRYETAR

Ermal Dredha





REPUBLIKA E SHQIPËRISË
BASHKIA VLORË
DREJTORIA E PËRGJITHSHME EKONOMIKE, TURIZMIT DHE SHËRBIMEVE
MBËSHTETËSE
DREJTORIA E FINANCË BUXHETIT DHE KONTABILITETIT

Nr. 2349 prot.

Vlorë, më 12.02 2025

RELACION

**MBI PROJEKT VENDIMIN PËR MIRATIMIN E TAVANEVE PËRGATITORE PËR
PROGRAMI BUXHETOR AFATMESËM 2026-2028**

Të nderuar Këshilltar,

Projekt vendimi që ju paraqesim për miratim është një ndër aktet që i paraqitet Këshillit të Bashkisë në vijim të punës për përgatitjen e Programit Buxhetor Afatmesëm 2026-2028.

Në këtë projekt vendim është paraqitur parashikimi i Administratës së Bashkisë për realizimin e të ardhurave në periudhën afatmesme 2026-2028. Ky parashikim është realizuar duke patur parasysh planifikimin dhe realizimin e të ardhurave të veta në vitet 2023, 2024 dhe 2025 si dhe ndryshimet e mundshme në vitet e ardhshme. Për të dhënat për grantin e pakushtëzuar parashikimi është bazuar sikurse janë parashikuar nga qeveria sipas Shtojcës Nr.1 të Udhëzimit Nr.4 datë 28.02.2024 “Për Përgatitjen e Programit Buxhetor Afatmesëm Vendor 2025-2027”. Ndërkohë po sipas udhëzimit të sipërcituar transferta e pakushtëzuar sektoriale për vitin 2025-2027 do të jetë 1% më e lartë për çdo vit duke filluar nga viti 2025 në të cilin është shuma 582,812 mijë lekë.

Nëse i referohemi të ardhurave të veta për vitin në vitin 2023 janë planifikuar në shumën 1,438,585,000 lekë dhe janë realizuar në shumën lekë 1,078,275,000 lekë ose 75 %. Ndërkohë për vitin 2024 rezulton se janë planifikuar në shumën 1,893,272,000 lekë dhe janë realizuar në shumën 1,411,302,000 lekë ose 75 %.

Për vitin 2025 shuma e planifikuar nga të ardhurat e veta është 2,308,523 lekë ose afërsisht është 21.9% më shumë nga plani i vitit 2024. Kjo rritje në planifikimin e buxhetit 2025 ka ardhur si rezultat i rritjes së taksave e tarifave vendore të mitatuara me VKB nr 96, date 07.12.2023 i ndryshuar.

Të nderuar Këshilltarë,

Të dhënat e paraqitura në këtë projekt vendim janë si tregues fillestar paraprak të cilat në vijimësi do të detajohen në mënyrë më të plotë nisur edhe nga analiza e realizimit të të ardhurave të veta gjatë vitit 2025. Kjo nisur dhe nga eksperiencia e viteve të kaluara në të cilat

këta tregues kanë ndryshuar nga momenti i miratimit të treguesve përgatitorë deri në momentin e miratimit të treguesve përfundimtarë. Konkretisht për vitin 2024 në Programin Buxhetor Afatmesëm 2024-2026 parashikimi i të ardhurave ne total ka qenë në shumën 2,661,512,000 lekë, ndërkohë që në buxhetin e vitit 2024 ky tregues është në shumën 3,177,584,000 lekë në total gjë që reflektohet dhe në ndyshimin e parashikimit të të ardhurave të veta. I njëjti vlerësim është bërë në projekt vendimin që po ju paraqesim edhe për parashikimet e të ardhurave të veta në vitet 2026-2028. Rrjedhimisht në momentin që do të paraqiten parashikimet përfundimtarë për të ardhurat dhe shpenzimet per Programin Buxhetor Afatmesëm që do të miratohet në fund të këtij viti këta tregues do të qartësohen më mirë dhe do të jenë përfundimtarë. Në këto kushte kërkojmë nga ana juaj të miratoni këtë projekt vendim me qëllim të hapim rrugë për procedurat e mëtejshme të përgatitjes së Programit Buxhetor Afatmesëm 2026-2028 të Bashkisë Vlorë.

Drejtor i pergjithshem

Olsi Durolli

